

Editor: MZ Singson, IFS

Jt. Editor: V. Laikhuma

Office Address:

Divisional Forest Officer,
Forest Extension Division,
PCCF's Office Building,
Tuikhuatlang, Aizawl,
796001, Mizoram.

Phone/Fax: 0389-2323302

E-mail:

efextension16@gmail.com
forestkhawvel2015@yahoo.com



JANUARY - MARCH 2022

Vol. XXIII Issue No. 4

RAM PUMAH KANGMEI VEN CHAWLHKAR HMAN A NI

Mizoram pumah thal lai hian kangmei a chhuah nasat thin avang leh a theih ang anga mipuite kan simkhur a, a bikin ram kang kan pumpelh theih nana hman thin kangmei ven chawlkar (fire prevention week) chu February ni 7-13 chhungin hman leh a ni a. He chawlkar hawnna hun hi ni 7, Thawtanni khan Synod Conference Centre-ah Chief Minister, Pu Zoramthanga hova hman a ni a, thupui atan, '**Kangmei Ven hi mi tin mawphphurhna a ni**' tih hman a ni.

Chief Minister, Pu Zoramthanga chuan ram lam leh in lama kangmei chhuak thin hian mi tam tak tan har-satna a thlen thin avanga simkhur a ngaih thu a sawi a. Kum kal ta 2021 phei chuan Mizoram chhim lamah namen lova kangmei chhuakin harsatna sawi fiah hleih theih loh khawpa nasa min thlen a, kan rama kangmei chhuak tam tak hi ven theih a nih avang leh lo hal a ni emaw thil dangah pawh a venhimna hi kan ngaih pawimawh theuh chuan hma kan sawn ngei ang, a vanneihpui tur pawh keimahni tho kan nih avangin keima tan, kan chhungkaw tan, kan ram tan tia rilru seng chunga ngaihven theuh turin zoram mipuite a sawm a ni.

Khual zahawm, Minister, EF & CC Department changtu, Pu TJ Lalnuntluanga pawhin he hunah hian thu sawiin, Mizoram hi a zahve dawn lai 49.73% chu kangmei chhuah hlauhawm a nih thu leh 28.28% laia zau phei chu kangmei chhuah hlauhawm bik ram a nih thu sawiin kangmei ven kawngah mi tin kan pawimawh em em a ni, Fire Prevention Week chhung chauh ni lovin kangmei ven hi sorkar chuan englai pawha a ngaih pawimawh a nih thu sawiin kum tinin district level leh village levelah pawh kangmei ven kawnga tha thawh thate hnenah lawman pakhatna atanga pathumna thlengin sem thin a ni. Chutih laiin sorkar ngawt chuan hma la turin a mal beih thei lo va, chuvangin tlawmngai pawl leh kohhran bakah mipui nena thawh ho a nih thu a sawi. Kuminah pawh mi



FROM EDITOR'S DESK

Mizoramah hian thal khua a ro viau chuan kan tana hlauhawm ber chu tui nghei a ni a, a dawttu chu ram kang a ni. Khua chu lum viau mah se tui kan nghei lo va, ram a kan loh bawk chuan a la ziaawm viau. Tui nghei hrehawmzia hi a la tawng lo tan chuan sawi thiam pawh a har deuh mai thei. Thlaler a kawng bo te'n an tui hal avang-in thi phah thin te pawh kan hre awm e. Mizoram chhungah, a bikin Aizawl veng thenkhatah chuan tuikhur te kang tanin tui a vang tawh em em a, hmun hla tak tak ami tui chawi lai ka hmu fo mai. Tui duh anga hman tur leh in tur kan neih loh chuan khawsak a nuam tak tak thei lo.

Kan ni tin nun leh khawsak-na kawngah hian tui chu thil pawimawh berte zinga pakhat a ni a, duh khawp leh kham khawp kan neih theihna turin ramngaw tha kan mamawh a ni. Ramngaw tha nei tur chuan kan ramhnuai; lo atana kan vah bak zawng zawng hi kangmei laka kan humhim zel a ngai. Tunah mai pawh lui tam tak chu a kangchat/khawro tan tawh a ni a, mitin hian ramngaw hum-halh lamah tan kan lak loh chuan Mizoram hi ram nuam ah kan siam thei lovang.


MZ Singson
Editor

tinin kan thupui hi pai ila, mahni mawhphurhna i vawng theuh ang u, tiin mipui a sawm bawk a ni.

He inkhawm hi Pu Jitendra Kumar, Principal Secretary & PCCF chuan a kaihruai a, Pu Laltlanhlua Zathang, Member Secretary, State Level Sub Committee on Fire Prevention chuan nikum lama hmalak dan leh hmachhawp awm mekte a report bawk a ni. Pu RS Sinha, Addl PCCF-in he inkhawm hian hi lawmthu sawiin a khar a ni.



He kangmei ven chawlhkar denchhen hian February ni 4 leh ni 5 khan Lunglei Forest Division pawhin Pi Lalrammawii Sailo, DFO ruahhmannain Lunglei leh Hnahthial district chhunga Village Council member leh NGO te ko khawmin ram kang ven kawnga an mawhphurhna training programme neihpui an ni a. Hetah hian mithiam hrang hrang ten power point presentation hmangin an zirtir a ni.

Hemi rual hian District hmunpui hrang hrang - Lunglei, Lawngtlai, Champhai, Kolasib, Serchhip, Hnahthial, Khawzawl, Mamit leh Saitualah te he kangmei ven chawlhkar hi Deputy Commissioner leh DFO-te ruahman leh kaihruaiin hman a ni bawk.



PU TJ LALNUNTLUANGA, MINISTER HOVIN EF&CC DEPARTMENT-IN INHLAN THARNA HUN HMANG

January ni 12 chawhma khan Environment, Forest & Climate Change Department-a thawktute chuan kum thar 2022 atan inhlан tharna hun PCCF Conference Hall, Tuikhuatlangah an hmang a. He hun hi a changtu Minister, Pu TJ Lalnuntluangan a hmanpui a ni.

Pu Jitendra Kumar, PCCF & Principal Secretary chuan thuhma sawiin kum tharah rilru thar nen theih tawp chhuah turin Department-a thawktute a ngen a. Hunserh hmangtu Pu Lony Chhakchhuak chuan EF&CC Department a thawktute hotu hmasa ber chu Adama a nih thu sawiin, EF&CC Department-a thawktute chuan mawhphurhna ropui tak an nei a ni a ti.

Pu TJ Lalnuntluangan, Minister EF&CC chuan thahnemngai tak leh taima taka mahni hna theuh thawk turin Officer leh staff te a chah a. EF&CC Department-a thawktute chu Mizoram chauh ni lo, khawvel pum nghawng Pathian kutchhuak, ramngaw humhalhtu leh siam thatu dinhmunah an ding a ni tiin, kan tan, kan fate leh kan tuchhuan lo la awm turte tan hna an thawk a ni tih hre turin a chah a ni. Thawktute leh mipui leh NGO-te hmalakna avangin thing leh mau, nungchate humhalh duhna NASA taka lo pung ve zel chu a lawmawm hle a ni a ti.

He hunah hian Minister chuan EF&CC Department buatsaih, Mizoram chhunga phengphehlep chi hrang hrang 153 chanchin kimchang tarlanna android mobile application, Butterflies of Mizoram chu mipui hman theih turin a tlangzarh a. He android application hi playstore-ah a duh apiang hman theiha dah a ni. Awareness campaign atana hmanraw pawimawh tak Slogan Poster Calendar-2022 pawh a tlangzarh nghal bawk.

He hun hi hripui leng avangin kum dang anga hmang lovin sorkarin SOP-a siam te zawmin Group A officer chin chauh an tel a ni.

AIRGUN HMANGA SAVA VEH MAN

East Lungdar Forest Range hnuai a Range Officer Pu Lalhmachhuana leh a staff-te duty chuan ni 25.2.2022 (Zirtawpni) khan Airgun hmang a sava veh mi 2 an man a, an sava kah hlum sa laksakin, an silai te an mansak bawk.

Heng an Sava kahhlum te hi ni 26.2.2022 (Inrinni) khan East Lungdar Forest Range Officer Office tualah halralna hun hman a ni a. East Lungdar VCP Pu K. Lalngaizuala VCP chuan halralin, East Lungdar Forest Department ten nungcha humhalh kawnga an hmalakna fakawm a tih thu leh khawtlang mipui pawhin theihtawp chhuaha tawiawm chhunzawm zela, man ngai awm tawh lo tur leh nungcha humhalh kawnga tan la thar vek tura a duh thu a sawi. He hunah hian East Lungdar a Forest Department Staff-te leh E. Lungdar Vengtar Branch YMA hruitute an tel a ni.

FOOD AND AGRICULTURE ORGANIZATION

Food and Agriculture Organization (FAO) chhût danin kum 30 kalta chhûng khan ram 43% chuan an ramhmul (forest cover) an hloh a, ram 38%-in ramhmul khuh chin nei pung thungin ram 19%-ah erawh danglamna a awm lo thung a ni. Kum 30 kalta chhûng khan khawvelin ramhmul 685,300 square miles zet a hloh a ni. Ramngaw siam kawngah China hian hma a la tha hle a, kum 30 kalta chhûngin 243,000 square miles deuhthaw ramhmul khuh an neih belh hman a ni.



INDIAN FOREST SERVICE ASSOCIATION, MIZORAM UNIT-IN PU C. RAMHLUNA IFS(RTD.) RAL

November ni 22, 2021-a boral ta Pu C.Ramhluna, IFS (Rtd) chu Indian Forest Service Association, Mizoram Unit chuan Jan ni 23, 2022 tlai dar 2:00 khan a chenna hmun, Bungkawnah ralna hun an hmang a. Pu C. Ramhluna chu Mizoroma Forest Department tana thawhhawk ber zinga mi a nih thu leh, an uizia mi thahnem takin an sawi. He ralna hunah hian IFS service lai leh pensioner mi 20 chuang an tel a ni.



NGENGPI WILDLIFE SANCTUARY SAI THLA LAK A NI TA HLAUH MAI LE....!

Ngengpui Wildlife Sanctuary-ah hian Sai an awm ngei tih chu an chet velna hnuhma atang te, an ek, hniak leh an in nawhna atang ten finfiah a lo ni tawh thin a. Sai awm zat pawh Panga a chhinchhiah a lo ni tawh thin. Chuti chung chuan tan lak viau pawhin an thla erawh hmuh theih a ni thin lo.

Kum 25 vel liamta atang tawh khan Ngengpui Wildlife Sanctuary-a sai te hi an thla lak tuma tan lak a lo ni tawh thin a; chuti chung chuan Sai thlalak hi nei lovin hun a liam ta nual mai. Camera trap kamna hmun te Sai in an tlawh fuh chiahloh vang emaw chhan dang dang vang te pawh a ni thei ang.

Tichuan, infuih tharna nen, kawng hrang hranga hmalak thar chhoh zel niin chu chuan vanneihna a rawn thlen ta hlauh mai le....!! Ni 24.12.2021 zan dar 10 vel khan kan camera trap Tialpari thlan peng ami chuan Sai thla a la fuh ta hlauh mai a ni.

(Tun tum Thlalakah hian Sai hi Pahnih an lang thei.)

Hemi kawnga theihtawp chhuahlu Pu C. Lalchhina R.O Ngengpui leh a staff te an fakawmin an hlawhtlinna hi a lawmawm tak zet a ni, tiin DCF, WF, Lawngtlai hnen atangin thu kan dawng.



LAWMPUINA

Govt. of India, Ministry of EF&CC buatsaih Photography Competition, Wetland Category bikah Pu Samson Thanruma, MFS, DCF Wildlife, Kha w za w l chuan lawm man pathum na a dawng a, kan lawmpui hle.



ANDROID APPS

Butterflies of Mizoram, Android Apps, Mizoram chhunga phengpheh-lep chi hrang hrang en duh tan hei hi playstore atanga download-in hman theih a ni.



Butterflies of Mizoram

MOBILE APP

GET IT ON Google Play



Mizoram mipute'n awlam zawkha phengpheh-lep chanchin an hriat theihna tur

CLIMATE CHANGE – SAVA INMAKNA

Royal Society ten an thil hmuhchhuah hi eng dang vanga thleng ni lovin, climate change vang liau liau nia an hriat thu an sawi. An thil hmuhchhuah chu hei hi a ni.

Sava chi khat tuia cheng chi, Albatross an tih zingah boruak in-lumlet nasain an chi inthlahna a nghawng nasa hle a. Chu chu hetiang deuh hi a ni. An inthlah chhawnna kawngah a pa zingah harsatna nei an tam avangin an zingah Albatross nute chuan an kawppui tun hmaa thlak ngai reng reng lo khan an thlak ve ta tlat a. An zingah inmakna/inthenna a thleng ve a nih chu. Hetiang sava chi hi kum 2003 atang khan zirchiannan niin an chenna hmun South Atlantic ram leh tuipui, a bikin New Land leh Falklands albatross tuak 15,500 lai chenna hmun atanga hmuhchhuah a ni.



WILDLIFE CRIME TLA HNIAM

Wildlife Crime Control Bureau (WCCB) tanlak vang te pawh a ni anga, kum thum kalta chhûng khan India ramah kumtin wildlife crime a tlahniam chho a ni. Indo-Asian News Service (IANS) chuan WCCB, State forest departments leh Police lam chhinchhiahna an zirchianna atanga an hmuh danin nikum khan kum hmasa aiin wildlife crime hi 127% ngawtin a tlahniam a. Kum thum chhûnga kum tin wildlife crime cases dinhmun chu hetiang hi a ni:-

2019 – 805 cases
2020 – 601 cases
2021 – 281 cases

WCCB hian State enforcement agency-te nen kum 2014 – 2021 chhûng khan joint operation vawi 717 an nei hman a, wildlife criminals pawh 1488 zet man an niin wildlife offenders mi 3248 thubuai siamsak an ni bawk a ni. (CEP e-news)

CLIMATE-SMART AGRICULTURE

Climate-smart agriculture lamah hmalâkna a awm chho zel a. Tunah hian Indian Council of Agricultural Research (ICAR) chuan undergraduate level leh post-graduate level-a zir turin zero budget natural farming atan syllabus buatsaih turin hma a la tan a. Education Division, ICAR chuan syllabus khawrpum tur hian Agricultural University-te leh natural farming lama mithiamte a thawhpui dawn a ni. Tin, ICAR hnuiaia zirna in te leh Krishi Vigyan Kendra (KVK) zawng zawngin natural farming atan research, demonstration leh training an kalpui vek dawn bawk a ni. (CEP e-news)

SANGHA MARKET – CLIMATE CHANGE NGHAWNG

Sangha chi khat, Hilse an tih chu Coastline/vaukama man thintute chuan kum dang aiin kumin hian an inlar har thu sawiin a chhan erawh an bangbo hle a. Fur laia an man thin let thum lai mai chu tun thlasik khuaah an man ta tlat mai a, mak an ti hle. Hei hi tun hnai kum hnih chhunga an tawn a ni.

Scientist leh Fishery department chuan he thil thleng hi (climate change) boruak intlak danglam nasa lutuk vang niin an ring ber a ni.



INDIA RAMNGAW HEU

Rice University, University of Maryland, Iowa State University leh Aarhus University-a zirbingtute chuan khawvel hmun hrang hranga ramsa leh savate'n ramhmul inthlahpunna kawnga an ṭangkai dan zirna (field studies) chu machine learning hmangin a bihchianna an pholang a. An tarlan danin ramsa leh savate hi an kiam zel avangin ramhmul inthlahpunna kawnga an ṭangkaina pawh 60% ngawtin a tlahniam tawh a, hei hian sik leh sa danglam (climate change) kârah ramhmul inthlahpun theihna nasa takin a nghawng theih rin a ni.

Ramhmul chi (seeds) pu darhtu ramsa leh savate an kiam mēk avang hian ramhmul tam tak tan hmun danga chi chhuah zel kawngah tawp chin a awm mai thei dawn a lang hi mithiamte chuan pawi an ti hle a. Ramsa leh savate'n ramhmul chi an thehdarh dan machine learning model aṭanga a lan danin temperate regions heng - North America, Europe, South America leh Australia-ah a tlahniam hle tawh a. Ramsa leh savate kiamna hi a nasat zel chuan seed-dispersal losses hi tropical regions heng - South America, Africa leh Southeast Asia te hian an tuar nasa hle dawn bawk a ni. (*CEP e-news*)

WESTERN GHATS CHAWKE/AWKE

Researcher-te sawi danin Western Ghats-ah khuan Chawke/ Awke hi chi 12 zet an awm a, heng zinga chi (species) 10 phei chu helai hmun chauha awm (endemic) an ni. Chawke/Awke pakhat phei chu man pawh har tak a ni a, hei vang hian a hmingah Jackie Chan hming chawiin *Cnemaspis jackieii* an ti a, Jackie's day gecko tiin an ko bawk a ni.



CPCB IN AR VULHTUTE ZAWM TUR SIAM THAR

National Green Tribunal (NGT) thupêk angin Central Pollution Control Board (CPCB) chuan âr vulhtute zawm tur Dan a siam thar a. Hmun khata âr 5,000 chin chunglam vulhtute chuan Water Act of 1974 leh Air Act of 1981 hnuaiah State Pollution Control Board (SPCB) emaw, Pollution Control Committee (PCC) aṭangin consent to establish leh consent to operate an neih a ngai dawn a. Hei hi nakum January, 2023 aṭanga zawm tur a ni.

Âr vulhna hmun siam thar reng reng mihring chenna hmun (residential zones) atanga 500 metres-a hlaah a ni tur a ni a, tui hmun (lui, tuikawng, dil leh tui in tur lakna) aṭanga 100 metres-a hlaah a ni tur a ni bawk a ni.

20th livestock census-ah chuan India ramah âr maktaduai 851 an awm a. Âr vulh tam State-te chu Tamil Nadu, Andhra Pradesh, Telangana leh West Bengal niin, Maharashtra, Karnataka, Assam, Haryana, Kerala leh Odisha-ah te pawh âr vulh hi an uar hle bawk a ni. (*CEP e-news*)

CHAMPHAI WILDLIFE PROTECTION ACTIVITIES

Sakhi Chungchang:

Ni 20.2.2022 khan report dawn bawhzuiin Champhai Police te leh Forest Department tangkawpin Khawchhak lam (Myanmar) atanga rawn phurh luh Sakhi chu Pi Vannunmawii W/o Zonunthara Vengsang leh Pi Rohmingthangi W/o Pu Laldika Zote te hnen atanga man a ni a. Sakhi sa hi zawrh chhawn leh tura Myanmar ram lam atanga an lak luh a ni. Sakhi neiture hi pawisa chawitir an ni a, ni 21.2.2022 khan DFO office-ah Champhai District Honorary Wildlife Warden Pu Lalhlupua'n a hal ral a ni.

Sava Case:

Champhai Forest Division hnuiaia thawktute chuan ni 24.2.2022 khan Champhai Zote leh Ngur ram velah duty-a chhuak in Pu Zoruma S/o Lallianchhuana (L) Zote leh Lalduhawma S/o Lakhawma Ngur Vengthlang te chu an Sava kah thlak thahnem tak nen man an ni a. Chief Judicial Magistrate, Champhai hnenah kalpuuin thubuai ziahluh nghal a ni. Tin, hemi rual vek hian Ramvak tura chhuak te silai Airgun 3 leh ulhbun 3 laksak niin, DFO Office-ah hren sak an ni bawk.

NEC Monitoring:

NEC hnuiaia Project kalpui mek Afforestation of Denuded Hills in Champhai District 1st Installment-a hnathawh tawh te endik turin ni 19.2.2022 khan Pu Lalmalsawma Pachuau, Secretary, Planning & Programme Implementation, Govt. of Mizoram chu a kal a. Nursery te leh SMC, Fencing leh Fireline te a hmunah kalin a endik a. Champhai Forest Department ten an hnathawh tawh te leh hmalak zel tura an hmachhawp chu tha a ti hle a. Pu Lalmalsawma Pachuan hian Champhai Division hnuiaia NEC Project kalpui mek chu Mizorama NEC Project chi hrang hrang kalpui mek te zinga Best Practice a hman theih tura hmalak chhoh zel ni se a ti bawk.

Fire Prevention Rally:

Ni 26.2.2022 khan 04 Bikers Champhai te nen Fire Prevention Rally Zokhawtharah neih a ni a. Melbuk khuaah leh Zokhawtharah te Campaign neih a ni a. He hunah hian Pu Lalduhthlana DFO Champhai chuan thusawiin ram ti kang lo tura inzirtirna leh Intiamna hunte hmanpui an ni. 04 Bikers atang hian Rider 74 an rawn thawkchhuak thei a ni.



Ramvak mite kawmna:

Ni 11.2.2022 khan Champhai chheh vela ramvak mite DFO Office-ah koh khawm an ni a. He hunah hian Pu Lalduhthlana DFO Champhai leh Pu Lalhlupuia Champhai District Honorary Wildlife Warden ten thu sawiin Ramngaw leh Nungcha te humhalh a pawimawh zia te, ram ti kang mai mai lo tur te leh Dan leh dun inhrilh hriatna leh inzirtirna hun atan hman a ni bawk.



AIZAWL ZOOLOGICAL PARK-AH AZADI KA AMRIT MAHOTSAV PROGRAMME HMAN ANI

Kumin (2022) hi Indian ramin Zalenna (Independence) a hmuh kum 75 ani a, hemi pual lawmna chi khat atan Central Zoo Authority of India (CZA) chuan Indian rama Zoo 75 thlang chhuakin chungte chuan kar 1 theuh hun neiin Ramsa thlan chhuah bik 75 chungchang zirhona a buatsaiah thin a, heng Zoo thlan chhuah 75 zingah hian Aizawl Zoological Park pawh telin January 24-30,2022 chhung khan week 46-na Aizawl Zoological Parka thawktute chuan an hmang ve a. Ramsa thlan chhuah bik chungchang zirho tura ruat chu Northern Pig-tailed Macaque (Zawng hmeltha) a ni.



Ni 24.01.2022-ah he week hawnna hi Aizawl Zoological Park parking lot-ah Pu Lalnunzira, Director/Dy Conservator of Forests, Aizawl Wildlife Division in hmangin Aizawl Zoo staff-te an tel a, Pu Zira chuan Northern Pig-tailed Macaque chungchang hi chipchiar takin a sawi a ni. He week chhung hian Aizawl Zoological Park a thawktute chuan Aizawl Zoo chhung kawngdung leh side drain te an ti fai a, Capacity Building programme te pawh an hmang bawk a ni.

Ni 26.01.2022 tlai khan CZA huaihawtin webinar kal tlangin Aizawl Zoological Park chungchang hi Pu Lalnunzira'n a sawi bawk a ni.

AIZAWL ZOOLOGICAL PARK-AH KEIPUI PAKHAT DAH A NI TA

Hun enge maw chen atanga lo tum tawh angin a hmasa ber atan Aizawl Zoological Park-ah Indian National Animal, Royal Bengal Tiger (Keipui) pakhat (a Nu) chu ni 14.02.2022 tlai khan dah luh a ni ta.



Central Zoo Authority (CZA) remtihnaa Guwahati Zoo nen Sahuana Ramsa inthleng tawn (Animal Exchange) programme-ah Aizawl Zoological Park atangin Guwahati Zoo hian Hauhuk (Hoolock gibbon) Nupa an la ang a, Guwahati Zoo atangin Keipui Nupa hi Aizawl Zoological Park-a dah tur la ve thung tura inrem kan ni a.

Guwahati Zoo hian Aizawl Zoological Park-a Hauhuk Nupa hi February 5, 2021-ah khan an la fel tawh a, hetih lai hian Aizawl Sahuan-a Sakei dahna tur (Enclosure) leh Feeding Cell-te erawh chei that a, Feeding Cell-ah Squeeze Cage siam a tul avangin hun a duh rei ta deuh a, tichuan Sakei dah theih tura peih fel a nih veleh ni 08.02.2022-ah khan Mizoram sorkar atanga zin phalna hmuh anih hnu-in Sakei la tur hian Guwahati Zoo-ah an kal ta a ni.

- 1) Dr. John Lalhnuna, Sr. Vety Officer, Aizawl Zoo
- 2) Pu C. Chawngmingiana, ACF(WL)
- 3) Pu Immanuel, Dy. F/R (R.O Aizawl Zoo)
- 4) Pu Lalchhuanawma, VFA, Aizawl Zoo
- 5) Pu Zodingiana, FG DCF(WL) Office
- 6) Pu Lalchhandama Sailo, FG, Aizawl Zoo
- 7) Pu F. Lalrinsanga, Animal Feeder, Aizawl Zoo
- 8) Pu V. Lalpeka, Driver

Keipui hi pahnih (Nupa) la tura inrem siam vek tawh nimahse, Guwahati Zoo thuneittute hian harsatna neia an insawi avangin Sakei hi a Pa (Male) min pe thei ta rih lo va, a nu pakhat chauh rawn phurh chhoh a ni ta a ni.

Ni 13-02-2022 tlai dar 2:45-ah Guwahati Zoo chhuahsanin tlaivara rawn kalpui a ni a, ni 14.02.2022 zing chaw hi Pi

Margaret Lalramchhani, DFO Kolasib in min buatsaih sak, kan lawm hle a ni. Kalkawngah harsatna lutuk awm lovin tla dar 5:30-ah khan tluang takin Aizawl Zoological Park thlenpui a ni ta a ni.

HON'BLE MINISTER EF&CC IN AIZAWL ZOO A TLAWH

Ni 19.02.2022 Inrinni chawhnu khan EF&CC Minister Pu TJ Lalnunluanga'n Aizawl Sahuan a tlawh a, Minister hi PCCF Pu Jitendra Kumar IFS in a tawiawm a ni. Hun enge maw chen aṭāṅga lo tum tawh angin Aizawl Sahuan a dah tur Keipui pakhat chu Guwahati Zoo aṭāṅgin ni 14.02.2022-ah khan Aizawl Sahuan phur thlen a ni a. Minister leh PCCF hian Keipui leh a dah na (enclosure) te bakah feeding cell-te an enfiāh a, Minister hi DCF (WL) Pu Lalnunzira leh Aizawl Zoo-a thawk-tuten an lo dawngsawng a, Sakei hi kar hnūah chhung feeding cell-a khung ri (isolate) tur anih thu leh chu mi chhung chuan a hriselna te a ṭha em tih te a nungchang (behaviour) ah ngaih that lohna a awm em tih te uluk taka en zui phawt a ni ang a, chumi hnūah harsatna a nei loa hriat anih chuan zoo tlawhtute tana en/hmuh theih turin enclosure-ah chhuah a nih tur thu Pu Lalnunzira chuan Minister hi hrilh a ni.



KHAWVEL-IN “CLIMATE CHANGE-GLOBAL WARMING” AN BUAIPUI TAK ZET TA: UN-COP26 IN THEIHTAWPA DO AN TUM

(I thiik hnūah miten an briatreng nan che thing kung 1 tal phun tum rawh!)

CT Lalrinawma

November ni 1-a Glasgow khawpui, Scotland (UK)-a UN buatsaiha khawvel sik leh sa danglam chak lutuk tak mai (Chimate Change - Global Warming) chungchang sawihona, COP26 (26th UN Climate Change Conference) tih a ram 130 dawn kalkhawm hruaitute chuan khawvel lum zual zel titawp tura theihtawp chhuah an remti tlang ta.

Boruak chhia pe chhuaktu ram lian zual, China leh Russia hruaitu President Xi Jinping leh President Vladimir Putin te chu an tel ve lo a. Chinese President Xi Jinping hian video conference hmangin thuchah a sawi ang tih a ni nain, a thusawi tur hi ziakin a hnū-ah a pe ringawt a ni.

US-West ramte din World Bank leh International Monetery Fund (IMF) ep nana Brazil, Russia, India, China leh South Africa ramten ‘BRICS’ tih an din ram aṭāṅgin Indian PM Narendra Modi chauh a tel. BRICS ramte hi khawvela boruak ṭhalo 40% zet tich-huaktute an ni. Khawvelah China chu boruak chhia pechhuak tamber (top polluting) ram niin, India chu 3-na a ni thung.

Scientist-te chuan kan chenna Lei (Planet) hi a chhunga cheng mihringten thing leh mau kan tihchereu nasat tawh avangin leh Industry din nana khawl turu pui pui, boruak ṭhalo tichhuak thei hman nasat avangin a lum chho zual zel a, chu chuan khawvel hmun hrang hrangah chhiatna rapthlak tak tak, khawkheng, tulian, vur tlang kehdarh (glacier), tuipui chim chin sang zel, thlipui leh kangmei, sik leh sa nasa taka in-thlak danglam, mihring nunna nghawng thei hlau-hawm (extreme weather danger) a siam phah a, he

khawvel hi chhiatna nasa zawk hmachhawn turin a kaltir mek a ni, tiin khawvel chu a nih tur aiin 1.1 degree Celcius (2 Farenheit) in a tilum a ni, an ti. Pre-Industrial level-a awm turin boruak ṭhalo siam thei tur Industry din loh te relin, ramngaw (forest) ṭhiah darh loh te rel an duh a ni.

COP26 chuan kum 2015-a UN Climate Change program pakhat, Paris Agreement tih an siam bawhchhet-ute chu UN-in na takin hrem ni rawh se, tihte relin environment thil, “Global Warming-Climate Change” atan US dollar tluklehdingawn 100 fund thawhkhawm dan turte an rel a ni.

Queen Elizabeth (95) chuan Cop26 a lo kalkhawm khawvel ram hruaitute hnenah, “Climate change dona chu, naktuka thangthar lo la awm zel turte tan a ni a, politics piah lam thil, ram hruaitu thate tih tur a ni”, tiin a pasal thi ta Duke of Edinbugh Prince Philip chu

environments humhalh duhtu a ni a, kum 1969 dailh tawhah humhalh a duhzia a sawi chhuak tawh a ni, a ti.

Indian PM Narendra Modi chuan, India ram chuan boruak chhe siam thei tihbona (net-zero Carbon emission) siam turin, kum 2070 an target tih sawiin, UN-Paris Accord angin India chuan amahin hma a la dawn a ni, a ti. Hetianga kum 2070 dailh a tinzawn hi khawvel ramdang hruaitute a barakhaih (disappointment) hle niin, AP News leh Daily Mail te chuan an ziak a ni. India ang thova boruak chhe siamchhuak ram dang anglo takin, India hmalak tumna chu thangkhat lian vawi 2 dawnin a tlai dailh a, China aiin kum 10 zetin a tlai bawk. Chutih rualin India chuan Industrial ramte a la umphak lohna a tilang a tihtheih awm e.

Antonio Guterres, UN Secretary General chuan, ram 130 chuang hruaitu kalkhawmte chu, “Leilung pianzia (nature) chu Ek In (toilet) ang lekah kan siamin, chu chuan sik leh sa chhiatna rapthlak tak (climate catastrophe) ah siamin, mahni thlan thuk tak lai ang” in a teh-khin a, Climate Change-Global Warming dona kawnga chak taka hmalak a tulthu uar takin a sawi a ni.

The Most Revd. Justin Welby of Archbishop of Canterbury chuan, kum 1930’s chhova Hitler-Nazi te chet dan ang hiala Climate Change/ Global Warming chungchang alo tekhin chungchangah thupha chawiin, khawvel sik leh sa danglam chak lutuk tireh tura hmalak a tul, a ti.

COP26 hian kum 2050-ah khi chuan khawvela boruak tichhe zual thei thilte titawp turin “Zero-Net 2050” tiin hmalak nise, an ti a ni. He Cop26-ah US President Joe Biden, British PM Boris Johnson leh Germany Chancellor Angela Merkel-i te tel laiin, khawvela ram boruak neichhe zual (polluter) President Putin, President Xi, Turkish President Erdogan, Brazil President Jair Bolsonaro, etc an tello thung.

Boris Johnson, British Prime Minister chuan, khawvel lum zual zel tihtawp anih loh chuan chhiatna rapthlak tak siamna (Doomsday device) kan siam, tiin “Tuna ram hruaitute chu kum 60 chunglam kan ni fur tawh a, tuna thangthar te erawh chu, khawvel sik leh sa danglam (climate change) nasa takin a tihchhiata piang te an ni” tiin, Climate Change - Global Warming do tura hma chak taka la turin a sawm a, British

Hero “James Bond” ang deuhva chhiatna lo thleng tur titawptua tan a ngai a ni, a ti.

Greta Thunberg-i, Climate activist te meuh pawh Gladgow-ah kalin, amah thlawptute leh Global Warming veitu “Extinction Rebellion and Insulate Britain” tih pawlte nen COP26 kalkhawm hruaitute chu chak taka hmala turin an phut a, Cop26 neihna pawnah lungawilohna an entir a, Thunberg-i chuan, “No more Blah blah blah... Tun hun hi chhuanlam siam kawi mai mai lova hma chak taka hmalak hun a ni e. Kan hun lo kal tur chu ngaihven hle teh u khai (take our future seriously)”, tiin kut an beng dur dur mai!

US President Biden chuan, Paris Accord 2015 tihpuitlin thuai a tul tiin, hnungtawlh zawnga kal khawmuun chi a ni lo. Paris Accord 2015 tihpuitlin thuailoh chuan rah thalo zawk a chhuah zel a ni, a ti. President Obama hmalaknaa 2015 kuma sik leh sa danglam chak lutuk dona tura UN hmalakna Paris Accord chu President Donald Trump khan duh lovin, puanthuah tel sanin US-a chhuah pui dailh a, dem leh sawisel a hlawh phah hle a nih kha.

Ursula van der Leyen, EU Commission President chuan, Europe khawmualpui chu boruak thalo titlem tura hma la hmasa ber (first net-zero continent) an nih thu sawiin, 55% zetin emission tihtlem (cut) a ni tawh tih sawiin, khawmualpui dangte leh ram dangte chu chak taka Global Warming - Climate Change thilah hma la ve turin a ngen.

United Nations hmalakna angin, khawvel ram 130 chuang hruaitu kalkhawmte chuan, khawvela ram ngaw (forests) la nei tha ram Brazil, Colombia, Indonesia, Canada, Russia, Democratic Republic of Congo, etc te chu an ramngaw tha te humhalh tha hle turin an beisei a, chutih rualin Brazil angte chuan Amazon phakuama thing leh mau, tukloh ramngaw buannel hmunte chu development hmachhuanin an vat chereu nasa hle tawh a, Indonesia ram pawhin Oil Palm chin nan tiin an ramngaw thate chu an vat chereu nasa hle a ni. Heng ramte hi khawvela ramngaw tha 85% dawn an la nei a, square mel mak-taduai 13 vel an kawl a ni.

Joko Widodo, Indonesian President chuan, “Indonesia ram chu Carbon rich-nation a ni a, thangthar lo awm

KEIMAHNI**TRANSFER & POSTING****IFS****31.1.2022**

Name of officer	Present place of posting	New place of posting
Pu Lalnunzira, IFS	DCF (Wildlife), Aizawl	Field Director, DTR (addl. charge)
Pu MZ Singson, IFS	WPO (N)	DFO Extension Division (addl. charge)

MFS**31.1.2022 & 16.3.2022**

Name of officer	Present place of posting	New place of posting
Pu C. Lalthankima, MFS	DFO (WL), Khawzawl	DFO, Tlabung Forest Division
Pu Samson Thanruma, MFS	DFO, Forest Extension Division/ ACF (Planning)	DFO (WL), Khawzawl
Pu R. Lalnunrenga, MFS	ACF, Dampa Tiger Reserve	Principal, Forest Training School
Pi Lawmnapari, MFS	ACF, Lunglei Forest Division	DFO, Extension Division
Pi Vanlalnunpuii Hmar, MFS	ACF (FC&CAMPA), PCCF's Office	ACF (FC&CAMPA) PCCF's Office
Pu R. Lalruatfela, MFS	ACF, Office of CF(CC)	ACF, Dampa Tiger Reserve
Pu Bryan Zorintluanga	ACF, (Legal Cell) PCCF's Office	ACF (Planing & Legal Cell) PCCF's Office

Deputy Forest Rangers & Foresters**28.2.2022**

Name of officer	Present place of posting	New place of posting
C. Laldinthara, Dy F/R	RO, Ngopa under Champhai Forest Division	WPO (N)
Lalsangpuia Pachaua, Dy. F/R	RO, Serchhip under Thenzawl Forest Division	RO, Serchhip with addl. charge of RO, Chhingchhip under Thenzawl FD wothout extra financial benefit
F. Lalthianghlima, Dy F/R	RO, Tlabung under Tlabung Forest Divsion	RO, Lungsen under Tlabung Forest Division
R. Zohmingthanga Dy. F/R	RO, Kawkuluh under Champhai Forest Division	RO, Kawkuluh with addl. charge of RO, Ngopa under Champhai FD without any extra financial benefit
Zokunga Sailo, Dy. F/R	RO, Lungsen under Tlabung Forest Divsion	RO, Tlabung under Tlabung Forest Division

zel turte tan ramngawte chu humhah an ni ang”, a ti. Thing leh maute chuan mihring te mamawh boruak t̄ ha an pe chhuak a, mihringin boruak chhia kan thawk-chhuah te an lo titianghlim thung ḫin a ni.

Ivan Duque, Colombian President chuan COP 26 hmalaikna chu lawmawm a ti a, an rama ramngaw te ḫiat dark lova humhah tum a ni ang, a ti. Nigel Pevis, Climate Adviser pawl CEO chuan, Glasgow hmuna Cop 26 awm chu lawmawm tiin, kum 2015-a Paris Accord siam tawh harsatna chinfelna tur a ni, a ti.

COP 26 THUNAWI NEUH NEUH!

Glasgow, Scotland hmuna ni 2 awh tur, COP 26 neih mekah Sunday khan khawvel ram hruaitu 130 chuang an kalkhawm a, thenkhat chuan thlawhna lian tak, boruak ḫalo pechhuak thei chi hman aiin thlawhna te deuh, private jet an hmang nual a, Private jets 52 chuangin Glasgow an tum lut a ni. Mahse, Daily Mail chuan, chung thlawhna te chuan mihring tana boruak ḫalo Carbon-dioxide 13,000 tones an pe chhuak ang a, British mipui 1,600 dawnte kum khat hip a tikhawlo thei turin a sawi. British PM Boris Johnson ber pawhin kar hmasaa G-20 Summit a Rome khawpuia a tel hnuah London aṭangin Glasgow chu private jet Titan Airways hmangin a kal a, Rome-ah a kal pawhin a hmang a, nidangah chuan Royal Air Force thlawhna Voyager te a hmang ḫin. US President Biden chuan Air Force One hmangin, a chuanna tur Marine One helicopter leh a chuanna motor “The Beast” phurtu, amah zuitute chuanna SUV Car neuh neuh nen thlawhna (President’s Fleet) 4 vel a hmang a, Air Force One thlawhna lian zet chuan carbon 2.2 million zet Europe a pe ang, tih a ni!

COP 26-a tel ram 130 chuang hruaitute chuan, kum 2030-ah chuan ramngaw tihchereuna tihtawp vek an duh a, khawvelah minute 1 dan zelah ramngaw ḫa Football fields 27 daih tur tihchhiat ang a ni, an ti. Ramngaw (forest) chu mihring chuap (lung) ang niin, chu chuan khawvela boruak ḫa mihring mamawh 1/3 chu kum tin a pe chhuak a ni. Daily Mail chuan tunlaia Thing phun uar leh humhahna thupui neia hmalaikna chikhat, “Be a Tree Angel” (Thing leh mau tan Vantirkhoh ni rawh) tih chu an thlawp hle a ni. Keini Zofate pawhin kan ramngaw, thing leh maute i humhah tlat ang u.

L. Biaklian Ngaihte, Dy F/R	RO, Bairabi under Kolasib Forest Division	RO, Bairabi with addl charge of RO, Buhchang under Kolasib Forest Division without any extra financial benefit
H. Lalngheta, Forester	Lunglei Forest Range under Lunglei Forest Division	RO, Haulawng under Lunglei Forest Division without extra financial benefit
Vanlalbiaka, Forester	Vairengte Forest Range under Kolasib Forest Division	RO, Vairengte under Kolasib Forest Division in his own pay level
Lalthlanga, F/R	RO, Tawipui under Lunglei Forest Division	RO, Tawipui with addl. charge of RO, Lunglei under Lunglei Forest Division without extra financial benefit
C. Vanlalpeka, F/R	RO, Chhingchhip under Thenzawl Forest Division	RO, Aibawk under Aizawl Forest Division
B. Laltawnga, F/R	WPO (N)	RO, Sairang under Aizawl Forest Division
Lalrinchhana, F/R	RO, Kawrthah under Kawrthah Forest Division	RO, Kawrthah with addl. charge of RO, Kawrthah under Kawrthah FD without any extra financial benefit
PC Lalthantluanga, F/R	RO, Sairang under Aizawl Forest Division	RO, Sadar under Aizawl Forest Division

PROMOTION

LDC to UDC

23/2/2022

Name of officer	Present place of posting	New place of posting
ZD Lalliansangi	WPO (South)	WPO (South)
H. Sangchungnungi	Aizawl Division	Aizawl Division
R. Lalchhandami	WPO (North)	WPO (North)
PC Lalawmpuii	Kolasib Division	Kolasib Division
Lalsangpuii Colney	Champhai Division	Champhai Division

Forest Guard to Forester

18.2.2022

Name of officer	Present place of posting
H. Lalchhuankima	Lawnglai Division
David Lalliana Hnamte	Mamit Division
H. Malsawmkima	Khawzawl Division
John Lalnunpuia	Darlawn Division
R. Lalmuapanpuia	Lawnglai Division
Debbie Lalremruati	CF (CC)
R. Vanlalpeka	Mamit Division
George Lalngilneia	Aizawl Division

Forest Constable to Forest Head Constable: 19.1.2022

Name of officer	Present place of posting
Chhawnkhuma	Lunglei Division
K. Lalbiakhnuna	Lunglei Division

SUNNA

Pu T. Lalnunpuia, Wildlife Guard, Thorang Wildlife Sanctuary chu March ni 1 khan Deep vein thrombosis vangin Christian Hospital Serkawnah a borala, hemi ni vek hian Bazar Veng, Lungleiah vuiliam a ni. Amah hi kan ui em em a, a kalsan tak a chhungte kan tuarpui hle.

PENSION

January - March thla chhungin a hnuai a kan thawhpuit hian Superannuation Pension-in min chhuahsan ve leh ta.

Hming	Pension ni
C. Lalbiaka, IFS	31.1.2022
Lalnunngila, ACF	31.1.2022
Vanlaluata, Forester	31.1.2022
Hranghulha, Forester	31.2.2022
C. Biakchungnunga, Peon	31.2.2022
C. Vanlalena, IFS	28.2.2022
Laldinthara, Principal FTS	28.2.2022
Vanlalsiama Khenglawt, ACF	28.2.2022
C. Chawngthantluanga, Orchidologist	28.2.2022
Saibuangpuii, Superintendent	28.2.2022
Thanthianga Hnamte, Forest Ranger	28.2.2022
R. Vanlalmawlsawma, Forest Ranger	28.2.2022
Chalneihzawna, Forest Ranger	28.2.2022
V.L. Zamlova, Dy. Ranger	28.2.2022
H. Lalawmpua, Dy. Ranger	28.2.2022
C. Thanzova, Dy. Ranger	28.2.2022
Saprengpuii, UDC	28.2.2022
Lalhmuakliana, Forester	28.2.2022
F. Vanlalmuana, Forester	28.2.2022
Vanlalhruaia, Forester	28.2.2022
S. Rinliana, Forester	28.2.2022
Lianzuala, Forester	28.2.2022
S. Darliana, Forester	28.2.2022
Lalfamkima, Forest Guard	28.2.2022
Tek Bahadur Sunar, IB Chowkider	28.2.2022
C. Lalrinthanga, Dak Runner	28.2.2022
Vanlalveni, Assistant	31.3.2022
R. Lalremthanga, Dy. Ranger	31.3.2022
Lalsangliana, Forester	31.3.2022